

QVÆSTIO MEDICA

QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XVII. NOVEMBRIS.

M. PHILIPPO MATHON, Doctore Medico, Præsidente.

An intermittenti Tertianæ contumaci Balneum?

FEBRIS ut morborum omnium frequentissimus, ita & maximè periculosus: cordi quippe assiduo vitæ custodi bellum præsertim indicit, cui cæteri vix unquam aut rarò admodum infensi sunt: Igneus calor cum vitali exitiosa hæc viventibus odia & graves exercet inimicitias, licet ab eo non specie, sed solo nocendi animo sit alienus; imprimis verò ubi fe huic bello accinxit, arcem nativi caloris ita oppugnat, ut incendia statim minueretur, adeo sanguine & spiritibus accensis flammæ per latentes ductus in univèrsum corpus humidi benignioris popularitæ spargit, ut functionum omnium ministeria turbati, cætera symptomatum mala creari, corporis *ὀλασις* labascere, ac naturam tandem obrui aut fatiscere videas. Alium porrò febris auctorem à calore extraneo ne quaeris; Epialas iste, Lipurias, Syncopales, horrida que inducit, in quibus ægrotantes assiduo frigore torpent, aut concutiuntur rigore: usque eò pervicacem illum naturæ hostem experitur, ut vel in dediticiam sæviat, dum nec eos adhuc dimiserit, qui frigidum cum animâ spiritum exhalant. Non uniusmodi autem est mala caloris istius indoles, sed ut quæque diversâ est corporis cui inhaesit ratio, aliàs Ephemeram parit, si nempe spiritus flammantur, eodem quo primùm exarsit die extinguendam; aliàs putridam, ubi sædum hoc humores vitium contraxerunt, ignem diutiùs in materiâ crassiore servaturam: aliquando etiam hæc incense invehit, vix nisi deficientem pabulo, quod ipsissima est solidarum partium substantia, desitutam: Nec mireris nativum ipsum calorem implacabiles velut in iras exardescentem ipsi naturæ infensum reddi, immò, ut sunt iræ fratrum acerbiores, scito eò ferociorem febris naturam inducere, quo vegetior ille cuique nascenti obtigerit.

NIHIL in rerum ortu & interitu putredine frequentius, occultius nihil, nec in explorandâ febrium naturâ, tentandâ curatione perito medendi artifici quidquam utilius: Naturalem nonnulli, ægrorum propriam alij agnoscunt, illa ab interno rei cuiusque principio manare creditur, ut marcor in plantis, senectus in animalibus, hanc externam atque insalubris causâ procreat: Hujus veram aptius ideam expresseris, si mutationem totius putrescentis corporis substantiæ ad corruptelam à calido externo, quam si corruptionem caloris nativi esse dixeris; quæ putrescent primùm calida, deinde humida, postmodum frigida, ultimò tandem sicca percipiuntur, dum in terram, quæ ultimus putrefactionis terminus est, abeunt. Immediatam ac magis frequentem putrescentium humorum causam aliam à transpiratione prohibita ne quaeras, & eam puta nedum viventibus adversam, imò ipsis etiam inanimatis lapidibus nimirum ac metallis valde infensam. Quòd si serpat in humores putredinis vitium, febres accenduntur pro diversâ illorum conditione foci fomitisque varietate diversæ. Qui fervent in majoribus vasis succi prout assiduo corruptorum humorum appulsu vicinam sibi vitæ arcem imperunt, continuarum febrium causæ censentur, sicut qui in exilibus remotisque à corde alveolis putrent ob longioris viæ intercapedinem recurrentemque ex intervallis novam *Σύνοση* interpollatas pariunt.

INTERMITTENTIVM febrium prout manifestas laborantis naturæ inducias præbent discrimina, aliunde non repetimus, quam à corruptorum humorum partes commemoratas ob sidentium varietate, hinc quotidiana à pituitâ, tertiana à bile, à melancholia quarantæ ortum ducunt, singulæ quidem legitime dum sincerus putrescit humor, cui si alius societur, spurium infert; breviores aliæ, si humoris à quo procreantur natura ferat, ut tardiores nonnullæ; si certo quodam ordine desinunt & redeunt, typicæ, fin minus, erraticæ perhibentur, simplices quæ unicum focum agnoscunt, ut pro illius numero duplices triplicesque evadunt: at cæteras inter tertianæ ut feciores, ita & plerumque reliquis habentur breviores, nam si exquisitæ fuerint, septem ut plurimum circuitibus terminentur, nisi morbum efficientis humoris copia, ejusdem crassities, & in pernicii corpore immergi collectio obstat quominus expugnari possint. Verùm id potissimum efficere consuevit prava principis cuiusdam visceris vel saltem alicui officio præpositæ partis diathesis, ut intemperies præstida, quæ putrido miasmate optimum quodque alimentum adurit aut corrumpit, febremque pervicacem ac diuturniorem reddit.

INTERMITTENTIBVS tertianis qui rectè mederi voluerit, duplicem sibi scopum constituat necesse est: nam humorum excrementitiorum non modò coërcere putredinem & illius vacuare materiam, sed & interiorum temperare viscerum incendium debet, utrumque commodè præstabit phlebotomia & purgatio, illâ quidem diffusam per univèrsum corpus causam eam quæ incendium fovet, minuente, hac verò à partibus ipsis in quibus seu focus ignis etiamnum viget materiam subducente, modò nullus in victus ratione error committatur: & quamvis magna sit apud prudentem Medicum ad hujusmodi febrium curationem vis prædiorum ejuscemodi, hanc tamen non desunt qui spernant ac vituperent, quia rectum utendi modum ignorant; jactent per inane licet pulvères suos puriori Medicinæ tenebras facturi cinifiones, & singulares prædicent suorum remedium vires: auscultaverit qui volent imperitæ plebi dum assensit periaptis, illegatis nempe collo manibus amuletis strangulatos morbos aut injectas febribus compedes, consultis sanè & ad ægrotantium utilitatem opportuniùs fe geret, qui persuasum habebit frustrâ vehementiora usurpari præsidia, quoties præsto sunt mitiora, neque ulli esse fidendum curationi quæ *ἀεὶστος* contingere solet; nam si tanta sit febris contumacia, ut nullo laudatorum auxiliorum successu, nonnullo ægrotantium dispendio, nec sine Medicorum opprobrio cæci febrium ignes diutiùs alantur, balneo statim erit immergenda.

QVI in expugnandâ febrium contumaciâ balneo utitur, tutò, citò, & jucundè curat, non aligdo quidem ne cutis spiracula nimirum ocludat, non præcalido, sulphureo, aut nitroso, ne plus æquo laxatis meatibus in suam perniciem perenni diffusione, ut semper, tunc verò maximè ruenti calori nativo parefaciat aditum vel humores adurat, sed potabili ex aqua blando debet id calore tepescere, domesticum fluvial præstat, nam solis æstus ad attemperationem aquæ aut parum efficax aut nimis inæqualis. Paratum hac arte balneum bene valentibus appetitionem ciborum imminuat restituit, sitim extinguit, fessâ labore membra levat; in causariis verò dum tenui quo pollet vapore intima corporis pervadit, copiosam excrementitiorum humorum illuviem in alvum deturbat, & ad exclusionem apriorem reddit, densâ præter modum solidaque emollit corpora, crassâ attenuat, rigida laxat, obstructions referat, acria lenit, aridas humectat partes, præservidum viscerum intemperiem domat, hinc nephriticis, ischuria ab inflammatione laborantibus, colico dolore vexatis, vulvulo correptis, ictero, plora, aut vitilagine defædatis, diuturnis denique febribus præsentemque est certissimumque remedium. Cave tamen pures quocumque tertianæ intermittens tempore salutiferum esse, initio quippe ubi summa viget humorum putrescentium cruditas, solertis est naturæ ministri ac eo abstinere, ut prope morbo intermissionis tempore micantibus coctionis signis illud in usum revocare.

Ergo intermittenti Tertianæ contumaci Balneum.

DOMINI DOCTORES DISPVATVRI.

M. Ludovicus Morin.

M. Petrus Lombard.

M. Philippus Mathon, Præsides.

M. Robertus Patin, Professor Regius.

M. Michaël de la Vigne.

M. Petrus Perreau.

M. Nicolaus Cappon.

M. Nicolaus Richard.

M. Petrus le Mercier, Pharmacie Professor.

Proponebat Lutetiæ CLAUDIVS BIENDISANT, Aquis, A. R. S. H. M. DC. LXVII.